

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU GIMNAZIJA "EDHEM MULABDIĆ"
MAGLAJ

Bosnia and Herzegovina
Federation of Bosnia and Herzegovina
Zenica-Doboj Canton
Public Institution - Grammar school "Edhem Mulabdić"
Maglaj Municipality




Bosnien und der Herzegowina
Fédération von Bosnien und der Herzegowina
Kanton Zenica-Doboj
Öffentliche Anstalt Gymnasium "Edhem Mulabdić"
Gemeinde Maglaj

Bosna - Hersek
Bosna - Hersek Federasyonu
Zenitsa - Dodoj Kantonu
Resmi Kurum Edhem Mulabdić Lisesi
Maglaj

Broj: 01-179/2017.
Maglaj, 20.03.2017. godine

OPĆINA MAGLAJ
Služba za boračko-invalidsku i socijalnu zaštitu,
opću u pravu i društvene sjelatnosti



PREDMET: Plan upisa učenika u prvi (I) razred Gimnazije „Edhem Mulabdić“ Maglaj
za školsku 2017/2018. godinu, *dostavlja se.*

Poštovani,

na osnovu vašeg akta, broj:01-38-1-515/17 od 14.03.2017. godine, dostavljamo Vam plan upisa učenika u I razred naše škole u školskoj 2017/2018., godini, kako slijedi:

Red. br.	Naziv srednje škole i sjedište	Stručno zvanje	Zanimanje	Odjeljenja	Učenika	Ukupno učenika
1.	JU Gimnazija „Edhem Mulabdić“ Maglaj	-	-	3	24 *(optimalan broj)	72

Naša odgojno-obrazovna ustanova planira upisati optimalan broj učenika po odjeljenu, a po Pedagoškim standardima to su 24 učenika, iako u posljednje dvije do tri godine upisujemo po tri odjeljenja sa minimalnim brojem učenika (16 učenika po odjeljenju u skladu sa Pedagoškim standardima).

S poštovanjem!

Dostavljeno:
1x Naslovu
1x a/a



Direktorica:
Amela Hidić
Amela Hidić, prof.

Bosna i Hercegovina, Maglaj, Aleja Ljiljana br 50
Direktor i sekretar Tel: + 387 32 603 221
Računovodstvo Tel: + 387 32 603 854
Email: gimnazijamaglaj@gmail.com | Web: www.ogmaglaj.com



IZVJEŠTAJ O RADU ODGOJNO-OBRAZOVNIH USTANOVA U 2015/2016. GODINI

NAZIV ODGOJNO-OBRAZOVNE USTANOVE	JU GIMNAZIJA "EDHEM MULABDIĆ"
PODRUČNE ŠKOLE	-
TEHNIČKE I SRODNE ŠKOLE, STRUČNE ŠKOLE	-
IZBORNE GRUPE (gimnazije)	<p>U 2015/2016. godini u Gimnaziji „Edhem Mulabdić“ učenici III i IV razreda bili su podijeljeni u četiri izborna područja u okviru tri odjeljenja</p> <p>a) matematičko-informatičko b) prirodno izborna područje c) jezičko i društveno izborna područje (kombinovano odjeljenje od dva izborna područja zbog nedovoljnog broja učenika da bi se formiralo odjeljenje po Pedagoškim standardima)</p>
BROJ UČENIKA I BROJ ODJELJENJA (u matičnim i područnim školama)	<p>U 2015/2016. godini naša škola imala je 192 učenika koji su bili raspoređeni u 12 odjeljenja</p>
USPJEH UČENIKA U UČENJU I VLADANJU	<p>Od ukupno 192 učenika prošlo je 187 (ili 97,39%) učenika od tog broja 102 (ili 53,12%) je odličnih, 54 (ili 28,12%) vrlo dobrih, 31 (ili 16,14%) je dobrih. Dovoljnih nije bilo. 5 učenika ili 2,60% upućeno je na poravni ispit, svi sa jednom slabom ocjenom.</p> <p>Prosječna ocjena učenja je 4,3.</p> <p>Poslije popravnih ispita svi učenici su uspješno završili razred tako da je prolaznost 100%. Prosječna ocjena učenja je 4,33.</p> <p>Od 192 učenika 175 (ili 91,14%) ih je imalo primjerno vladanje, 7 (ili 3,64%) vrlo dobro, 9 (ili 4,69%) učenika dobro i 1 (ili 0,52%) ima vladanje zadovoljava.</p>
UVJETI RADA (prostor, oprema učila i drugo)	<p>Prostor koji naša škola koristi za odgojno-obrazovnu djelatnost lociran je u istoj zgradi koju koristi i Mješovita srednja škola Maglaj. Gimnazija koristi kabinete koji se nalaze na drugom spratu škole te tri zajedničke učionice/kabineta u prizemlju. S obzirom na</p>



	<p>broj učenika koji pohađaju gimnaziju možemo konstatovati da raspoložemo dovoljnim brojem učionica i kabineta.</p> <p>Nakon poplave u maju 2014. godine, koja je potpuno uništila prizemlje škole, biblioteku, prostorije i opremu administracije te arhivu, škola ja sanirana i potpuno obnovljena.</p> <p>Uz pomoć EZ (a preko UNDP) objekat škole je u potpunosti saniran, a uz različite projekte i donacije obezbijeđena su nastavna sredstva i učila. Zgrada škole je u puno boljem stanju, jer je zamijenjena stolarija, rekonstruisano grijanje i izvršeno utopljanje objekta. Higijenski uvjeti za rad škole su ispunjeni. NPP uglavnom se realizira kroz kabinetsku nastavu. Svi kabineti opremljeni su računarskom opremom (računarima, projektorima, projekcionim platnima) te su povezani na internetsku mrežu. Nastavna sredstva su obnovljena i učenici i profesori mogu neometano i na suvremen način realizirati predviđeni program. Pored tehničke opremljenosti kabineta treba istaknuti da je donacijama zamjenjen i cjelokupan školski namještaj. Nakon majskih poplava školski poligon koji je jako oštećen, izostao je u sanaciji te nije pogodan za izvođenje nastave tjelesnog i zdravstvenog odgoja niti za vannastavne aktivnosti ovoga tipa. Učenici nastavu tjelesnog i zdravstvenog odgoja izvode u gradskoj sportskoj dvorani.</p>
BROJ I STRUKTURA ZAPOSLENIH (stručna zastupljenost nastave)	<p>UKUPAN BROJ OSOBLJA: 33 BROJ NASTAVNOG OSOBLJA: 25 BROJ NENASTAVNOG OSOBLJA: 8</p> <p>Samo jedan nastavnik bio je sa neodgovarajućom stručnom spremom i to profesorica latinskog jezika, koja je angažovana prema uputstvu Ministarstva.</p>
REALIZIRANE AKTIVNOSTI U OKVIRU GODIŠNJEG PROGRAMA RADA	<p>Školska godina je realizirana u 175 radnih dana (učenici I-III razreda) a 150 za učenike IV razreda. Svi nastavni sadržaji realizirani su u skladu sa NPP te sa GPR škole. Pored redovne nastave u školi je održavana dopunska i dodatna nastava kao i vannastavne aktivnosti. Rad u školi organiziran je u prvoj smjeni.</p>
VANNASTAVNE AKTIVNOSTI	<p>U 2015/2016. godini u našoj školi vannastavne aktivnosti bile su organizirane kroz nekoliko segmenata a okupljale su 18 nastavnika i 310 učenika (neki učenici su učestvovali u više sekcija. Na godišnjem nivou ostavreno je 630 sati.</p> <p>Kulturno-umjetničke sekcije – radile su literarna, novinarska, sekcija stranih jezika, likovna i muzička sekcija</p> <p>Naučno - tehničke i nastavne sekcije - djelovale su historijska,</p>



sociološka, informatička sekcija, mladi geografi te matamtičari i fizičari

Sportske sekcije – košarkaška i odbojkaška sekcija

Ostale sekcije – mladi ekolozi, bibliotečka sekcija

Rad sekcija te dodatne nastave mjerimo prema uspjesima naših učenika koji uistinu nisu mali. Samo ove godine ostvarili smo sljedeće rezultate:

Takmičenja koja je organizirao Pedagoški zavod

Na kantonalnom takmičenju iz njemačkog jezika koje se održalo 19.3.2016. godine u Zenici bile su prijavljene 2 učenice trećih četvrtih razreda : Melisa Salkić i Fatima Cvrčak .

Fatima Cvrčak osvojila je IV mjesto.

Učenice pripremala profesorica Alma Mehinović.

Na kantonalno takmičenje iz matematike koje se održalo 2.4.2016. godine u Zenici bilo je prijavljeno 5 učenika: Nejla Hidić i Denis Suljaković I razred, Salkić Almedin II razred, Nalić Vesna III i Ramiza Mujanović IV razred

Nejla Hidić osvojila je II mjesto, a Almedin Salkić osvojio je IV mjesto te su se plasirali na federalno takmičenje koje je održano

23.4.2016. godine u Sarajevu. Na federalnom takmičenju Nejla Hidić zauzela je 10 mjesto, čime je ostvarila pravo učešća na Matematičkoj olimpijadi za djevojke, a Almedin Salkić zuzeo je 14 mjesto.

Učenike su pripremali profesor Esad Obralić i profesorica Adnana Mehanović.

Na kantonalno takmičenje iz fizike koje se održalo 9. 4.2016. godine u Zenici bilo je prijavljeno 6 učenika: Sanjin Šabanović I razred, Amila Bašić II razred, Mirza Ramović i Vesna Nalić III razred, Fatima Cvrčak i Vanesa Jusufbašić IV razred.

Učenici se nisu plasirali na federalno takmičenje.

Učenike pripremala profesorica Admira Selimović.

Na kantonalnom takmičenju iz informatike koje se održalo 16.4.2016. godine u Visokom prijavljena su 2 učenika: Maid Huremović i Vanesa Jusufbašić IV razred.

Učenici se nisu plasirali na federalno takmičenje.

Učenike pripremao profesor Saša Stanić.



Takmičenje koje organizuje Američka ambasada

U organizaciji Američke ambasade u BiH u Američkom kutku Doboj, 12. 04. 2016. godine održano je regionalno takmičenje u spellingu.

Učenici Denis Suljaković i Kenan Hasaniću predstavljali našu školu.

Denis Suljaković osvojio je I mjesto i obezbijedio plasman na državnom takmičenju na kojem je osvojio 8. mjesto

Takmičenje iz informatike za osnovne i srednje škole koje organizuje naša škola

Na takmičenju **ITChallenge** učestvovala su dvije ekipe iz naše škole.

U organizaciji Društva pedagoga fizičke kulture općine Maglaj organizirane su „Male olimpijske igre“, učestvovala su muške i ekipe malog nogometa, odbojke i rukometa. Ženska ekipa iz odbojke prošla je dalje na kantonalno takmičenje na kojem je osvojila I mjesto a zatim dalje na federalno gdje su osvojile II mjesto.

Ekipu pripremala profesorica Ervina Biberović

Učenici su učestvovali i na **federalnom takmičenju** u atletici te osvojili zavidne rezultate; Amina Muhamedović II mjesto trčanje 100 m, Nadin Avdić 3. Mjesto trčanje 100 m, Harun Trbonja III mjesto skok u dalj.

Na općinskom takmičenju iz **Islamske vjeronauke za učenike I razreda**, koje je održano 9. 4. 2015. u OŠ „Maglaj“ bile su prijavljene dvije učenice Šejla Kadušić i Enisa Karabegović. Drugo mjesto osvojila je Šejla Kadušić a treće Enisa Karabegović dok je u **ekipnom takmičenju škola osvojila I mjesto.**

Učenice pripremao profesor Hikmet Hekić

**REALIZIRANI
PROJEKTI**

Godišnjim planom i programom bilo je planirano 5 projekta.

I – Galerija znanja koji je realiziran u cilju poticanja i iskazivanja kreativnosti i skolonosti koju učenici posjeduju.

II – Sajam udžbenika, čijom realizacijom pomažemo u pripremama učenika za narednu školsku godinu, omogućujući im da rezmijene ili kupe i prodaju udžbenike.

III – Zanimljiva matematika – cilj projekta je predstavljanje predmeta iz drugačije perspektive tj. razbijanje predrasuda o matematici kao strogoj i dosadnoj akademskoj disciplini.



	<p><i>IV- ITChallenge – projekat takmičarskog karaktera koji okuplja osnovce i srednjoškolske čitave regije (Federacije i RS) na takmičenju iz informatike. Specifičnost ovog projekta da ga pripremaju učenici starijih razreda uz asistenciju mentora.</i></p> <p><i>V- Javni sat- cilj ovog projekta jeste da se sati fizike, biologije i hemije u kraćem reprezentativnom obliku predstavljaju učenicima osnovnih škola kako bi ih animirali za upis u gimnaziju. Projekat dalje za cilj ima povezati profesore i učenike u timskom radu a učenicima obezbijediti da pokažu znanje i vještine.</i></p>
<p>POTEŠKOĆE I PROBLEMI U RADU TE PREIJEDLOZI ZA NJIHOVO OTKLANJANJE</p>	<p><i>Problemi koji su bili aktuelni do poplava u pogledu sanacije zgrade škole, nabavke opreme i sl. riješeni su. Međutim, ono što je gorući problem za gimnaziju i većinu drugih škola jeste upisna politika i smanjen broj učenika. Sugerirali bi predstavnicima Općinskog vijeća da na vrijeme razmatraju plan upisa u srednje škole (najkasnije mart mjesec) te da u skladu sa svojim ovlastima utječu na više organe vlasti oko davanja saglasnosti za upis u medicinske škole na nivou kantona koje nam uzimaju veliki broj učenika. Ovaj problem mogao bi se posmatrati sa nekoliko aspekata: opravdanost upisa s obzirom na broj nezaposlenih medicinskih tehničara, odlazak mladih iz BiH, smanjen broj učenika u dr. školama. Uz problem smanjenog broja djece vezuju se i sljedeći problemi za koje bi politika morala imati sluha a to su: status porodilja na porodijskom odsustvu i obaveze prema njima, poticaj države bračnim parovima za povećanje nataliteta, stabilnija ekonomska situacija koja omogućuju planiranje porodice i ono što je postalo trend u državi – odlazak mladih iz naše domovine.</i></p> <p><i>Pored ovih problema ostalo još da se uradi sanacija školskog poligona za kojeg posjedujemo 10 000 KM od nekadašnjeg ESFOR-a te očekujemo odgovor UNDP-a za sufinansiranje uz ulog općine kao partnera UNDP-u. Radimo na prikupljanju sredstava za ogradu kako bismo zaštitili školsku imovinu i tu smo već na pola puta. Ostalo je da nam općina da podršku u sanaciji prilaza školi jer je dio asfalta potpuno oštećen pri samom ulazu u školu.</i></p>
<p>RAD VIJEĆA UČENIKA I VIJEĆA RODITELJA</p>	<p><i>Vijeće učenika je konstituirano u mjesecu septembru i u toku školske godine ukupno je održalo 10 sjednica (prvo polugodište 4 sjednice i drugo polugodište 6sjednica). Koordinatori su prof. Mirela Jašarević i Adisa Begić uz stalnu koordinaciju pedagoga. Realizirane aktivnosti su: Sajam udžbenika, obilježen je mjesec knjige, Dan srednjoškolaca, Dan ljudskih prava, projekat "Kako učenici mogu pomoći profesorima u realizaciji modernog izvođenja nastave" i " Već 5 godina želimo znati kad će ovaj ŠiT stati", Reci</i></p>



NE birou. Direktorica prati sve aktivnosti Vijeća učenika i daje pomoć i podršku.

Detaljnije o akcijama:

Mjesec septembar

Konstituisano je Vijeće učenika i realizovan Sajam udžbenika koji doprinosi razmjeni knjiga i olakšanoj nabavci udžbenika nižim razredima po prihvatljivim cijenama.

Mjesec oktobar

Obilježen je Svetski dan nastavnika, urađen je referat o historijatu ovog praznika i upućena pismena čestitka profesorima u ime svih učenika škole.

Mjesec knjige obilježen je programom u kojem je istaknuta važnost čitanja knjiga, dobrobiti koje donosi, ali i značaj književnosti.

Raspisan je literarni konkurs i obezbijeđeni prigodni pokloni i nagrade za najbolje radove. Provedena je i akcija prikupljanja za školsku biblioteku.

Mjesec novembar

Dan srednjoškolaca u našoj školi obilježen je 17.11.2015. godine.

Ovaj dan učenici Gimnazije su zajedno sa učenicima Mješovitve srednje škole Maglaj obilježili snimanjem filma pod motom "Znanje je moć" kojim su pokazali koliko cijene školu i znanje koje im ona pruža, ali se isto tako podsjetili na svoja prava i obaveze.

Mjesec decembar

Dan ljudskih prava obilježen je 10.12.2015. godine porukama koje su učenici snimili i prikazali u holu škole.

Realizovan je projekat Galerija znanja na kojem su članovi vijeća uzeli aktivno učešće. Projekat je realizovan 24.12.2015. godine u holu škole promocijom znanja, nauke i umjetničkog stvaralaštva. Predstavljen je put razvoja znanja od antičkog perioda do savremenog doba.

Mjesec februar

Realizovan je projekat "kako učenici mogu pomoći profesorima u realizaciji modernog izvođenja nastave". Provedena je anketa za modernizaciju NPP-a.

Provedena je i aktivnost razmjena učenika: učenici drugih razreda posjetili su časove specifične za izborna područja kako bi lakše odlučili koje izborna područje će odabrati na karju drugog razreda.

Mjesec mart

Reci NE birou – predavanje Mreze vijeća učenika kantona, Profesionalna orijentacija učenika IV razreda u saradnji sa Vijećem učenika Zeničko-dobojskog kantona, realizovalo projekat "reci NE



	<p><i>birou".</i></p> <p><i>Radionica - Odgovor na rasizam – 31.03.2015. godine</i></p> <p>Mjesec april <i>U sklopu projekta " Ostavi trag" upućena je inicijativa za čišćenje maglajske Gradine od grafita, koja je odobrena od strane Općine Maglaj a realizovat će se u narednoj školskoj godini 2016/2017.</i></p> <p>Mjesec maj <i>Obilježena je Mirovna sedmica kroz radionice "Kominikacija " i " Mir nema alternativu". Zajedno sa VU MSS Maglaj realizovan je projekat " Već pet godina želim znati kad će ovaj ŠiT stati" kojim se želi naglasiti važnost problema odlaska mladih i obrazovanih ljudi iz BiH.</i></p> <p>VIJEĆE RODITELJA: <i>Vijeće roditelja je konstituirano 19.10.2015. godine i u toku školske godine održano je 6 sastanka. Koordinator ispred Nastavničkog vijeća su Svjetlana Zamboni i Nedžad Lokmić uz koordinaciju pedagoga i direktora. VR iniciralo je zajednički izlet profesora, roditelja i učenika ,međutim aktivnost nije realizovana. U drugom polugodištu roditelji su na jednoj od sjednica upoznati za pokazateljima nasilnog ponašanja i pretrpljenog nasilja, razgovarano o sprečavanju nasilnog ponašanja i vršnjačkog nasilja. Roditelji se nisu redovno odazivali sastancima, što ukazuje na neozbiljnost shvatanja ovog važnog organa škole te se sugeriralo razrednicima da biraju više zainteresirane roditelje pri izboru u VR.</i></p>
ODRŽANI SASTANCI ŠKOLSKOG ODBORA	<p><i>Školski odbor kao organ upravljanja radio je u punom sastavu. Predsjednik ŠO naše škole je gospodin Kemal Krzić. U protekloj godini održano je 13 sjednica Školskog odbora. Na sjednicama su donošene sve bitne odluke za normalno i zakonito funkcionisanje škole. Školski odbor razmatrao je između ostalog:</i></p> <ul style="list-style-type: none"><i>a) Usvajanje GPR škole</i><i>b) Objavljivanje konkursa za izbor i prijem nastavnog i vannastavnog osoblja</i><i>c) Praćenje uspjeha u učenju i vladanju te donošenje prijedloga za poduzimanje mjera za poboljšanje</i><i>d) Odlučivanje o korištenju raspoloživih sredstava škole u skladu sa zakonom itd.</i>


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
JU GIMNAZIJA "EDHEM MULABDIĆ"
MAGLAJ

Bosnia and Herzegovina
Federation of Bosnia and Herzegovina
Zenica-Doboj Canton
Public Institution - Grammar school "Edhem Mulabdić"
Maglaj Municipality



Bosnien und der Herzegowina
Föderation von Bosnien und der Herzegowina
Kanton Zenica-Doboj
Öffentliche Anstalt Gymnasium "Edhem Mulabdić"
Gemeinde Maglaj

Bosna - Hersek
Bosna - Hersek Federasyonu
Zenitsa - Dodoy Kantonu
Resmi Kurum Edhem Mulabdiç Lisesi
Maglay

DRUGI PODACI O RADU ODGOJNO- BRAZOVNE USTANOVE	
POTPIS I PEČAT ODGOVORNOG LICA	<p>Directorica:  Amela Hidić, prof.</p> 